



تیمور بوسورتله ممالک پادشاهی اوزریزه هجوم ایدنجه رجال حرب آره سنده محاربه دن تنفر داعیه لری بتون بتون برطرف اولغه باشلادی ، هرکس پادشاه کبی هر نه یا پلسه حربدن توفی ممکن اوله میه جغنه حکم ایلدی . بعض تاریخچر امرانک ، عسکرک محاربه ده کوکلسر طور اندقلرندن بحث ایدر ، حال بوکه رؤسای عسکرک تیمور محاربه سنده کوستر دکبری قهرمانی قدا کارلقار هیچ برزمانده و بلکه هیچ برمانده کورله مش درجه لرده ایدی ، چونکه تیموره آنلرده پادشاه درجه سنده برغیظ حاصل اتمکه باشلامش ایدی . بوندن باشقه ولو محاربه رأیلرینه مغایر اولسه بیله عثمانلی عسکرچی اداره ایدن عظمای مجاهدینک قدرحیتی ، خودپسندانه برعناد ایله پادشاهه ، ملتته خیانت ایده چک درجه لردن بیک نقات عالی ایدی .

بعض مورخلرده ، کویا پادشاهک افراط شدتی و علاوفه لری منتظم و یرمیه چک درجه لرده بخل مفرطی عسکرچی طائفه سنجه باعث انفعال اولدیغندن بحث ایدر لر ، هامر بومورخلرک مقالاتی خلاصه ایده رک دیرکه « صدر اعظم علی پاشا ایله اوغلی ابراهیم پاشا ، پادشاهک نتایج بخلندن قورقارقی ترتیب اولنان آباق دیواننده دشمنک کثرتندن بختله طاغارده ، بوغازلرده ، اورمانلرده قطعی

وعمومی بر میدان محاربه سیله ختام ویریه میه جک بر صورتده چنه غوغالینه کیریشمک دها خیرلی اولدیغنی بیان ایتدیله . ا کر عزمنده اصرار ایده جک اولورسه باری حال انفعالده بولنان عسکرک غیرتی تحریکه واطاعتارینی تأمیننه چاره منفرد اولق اوزره خزینهده موجود اولان آقجه نك عسکره طاغیداسنی اخطار ایلدیله . سوزلرینک اصلا فائدهسی اولمادی بایزید هم محاربه یه کیتمکده ، هم خزینه محافظه ایتمکده ایدی . . . » بوروایتارده هیچ عقلک قبول ایده جکی شیردن دکلدر . معلومدرکه دولتک موظف عسکری سپاهیله یکیچریلردن عبارت اولورق سپاهیله وظیفهسی تیمارلرینک محصولندن اولق جهتیه خزینه ایله آلتش ویریشاری بوق ایدی ، یکیچریلر ایسه محاربه یه نه حس ایله کیتدکرینی ، میدان حمیتده اوقدر بارلاق صورتده اظهار ایتمشلردرکه بویله افسانه کولرک اختراعاتیه شانلرینی لکه دار ایتمکه امکان قلمامشدر . حکایه نك پک عامیانه بریالان اولدیغنه کندنندن باشقه دلیل آرامقده اقتضایتمز . هیچ بر صدر اعظم پادشاهنه ، حربک ترتیب عمومیسنی دکیشدیرمک خزینه یی طاغیدارق عسکری تطیب ایتک کبی اساسنده کی اهمیتک وشبوعنده کی مخاطراتک درجه سی ادنی ملاحظه ایله معلوم اوله جق تدبیرلری علی ملاءالناس قوریلان آیق دیواننده می بیان ایدر ؟ دولت اوزمانه قدر عسکری هانکی محاربه یه باره ایله ، احسان ایله کوتورمش ایدی که اوزمانده خزینه یی طاغتمغه احتیاج کورنسون ؟ بوندن بشقه محاربه طاغله ،

اورمانلره منحصر طوتياھجق اولور ايسه نهدن بويلا برتديبر ايله
 عسكرك تحريك حيتنه ، تأمين اطاعتنده لزوم كورنموردده ميدان
 محاربهسنه چيقيه جنى زمان كوريليور ؟ برده اناطوليدده اوزمان
 برحدود طبيعيا وارمى ايدى ؟ وبونجه بيوك صحراللا مالا مال
 اولان برملكى طاغلره واورمانلره چكلمكلا سگن يوز بيك
 كشينك تسلطندن محافظه قابلميدركه اقتدار عسكريمى معلوم
 اولان صدر اعظمك بويلا بر ايدده بولمسنه احتمال ويريلا بيلسين ؟
 استدلالت تاريخيه نك بزه ويرديكى معلومات ايسه افسانه لرك بتون
 بتون خلافتنه اوله رق عثمانلى امرا وعسكرينك تيمور اوزرينه ،
 ياجو اولوق ويا محو ايتك عزم قطعيسنده ونهايت درجه لرده
 غيظ وانفعال حالنده بولندقلرى حالده كيتدكلرنى كوستريور .
 بادشاهه منكسر اولدقلرينه دلالت ايدده جك هيچ بر فعلا بولندايلر .
 واقعا عسكرا اچنده برفته ، برخيانت وار ايدى ، فقط اصل
 عثمانليرده دكل ، بلكه بيكي كان عشيرتلردن ويا بيكي الحاق ايديلن
 يرلك اهاليسندن اولان طاقدده ايدى . ترتيب حرب خصوصنده
 ايسه مدافعهسى قابل مواقعدده طور مق ويا خود ميدان محاربهسنه
 چيقمق جهتلردن هيچ برى قرارلشامش ايدى ، قرارلشمنكده
 احتمالى يوق ايدى .

تاج التوارينخده هامرك على پاشايه اسناد ايتديكى رآى ، عموم
 وكلايه اسناد اولنيور وهنه قدر قارشى طرفده كي كثرت ميدان
 محاربهسنه مساعد دكلسدده مقابله اولندينى صورتده دشمن